



Broj: 01-210 /11
Vareš, 30.11. 2011. godine

Z A P I S N I K
s 32. sjednice Općinskog vijeća Vareš,
održane 27.10. 2011. godine

Josip Malbašić – predsjedavajući Općinskog vijeća Vareš, otvorio je 32. sjednicu s početkom u 9,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Dženana Bešić, Tajiba Brkić, Dženana Hafizović, Izudin Ibrišimović, Kenan Kamenjaš, Džemo Kevrić, Milan Knežević, Ešref Likčić, Ivan Lučić, Josip Malbašić, Željko Matić, Mario Mirčić, Majda Muftić, Nihad Parić, Mato Pavić, Elvir Rožajac, Jasmin Salketić, Dragan Sekulić, Nikola Šimić i Jelena Zlobec.

Odsutni: Nema

Pored vijećnika sjednici prisustvuju: Općinski načelnik Hamdo Fatić, sekretar Općinskog vijeća Leon Pavlović, pomoćnici općinskog načelnika, šef Odsjeka za finansije Boro Anđić, zamjenica općinskog pravobranioca Elma Brčić, predsjednici političkih stranaka, zastupnik u Skupštini ZDK Fahrudin Brkić i predstavnik OSCE Terenski ured Zenica Dragan Vuković

Sekretar Općinskog vijeća izvijestio je Vijeće o realizaciji Zaključaka s 31. sjednice OV održane 27.09.2011. godine i dostavljenim odgovorima na vijećnička pitanja. Općinsko vijeće na 31. sjednici donijelo je 9 Zaključaka. Od tog broja 4 Zaključaka su realizovana, a 5 Zaključka su u toku realizacije, rok za njihovu realizaciju je do kraja tekuće godine, do kada se i očekuje njinova realizacija. Na 31. sjednici OV postavljeno je 12 vijećničkih pitanja, na 11 pitanja nadležne službe su u pisanoj formi dostavile odgovore podnosiocima pitanja, a na 1 postavljeno vijećničko pitanje, odgovor je dat od strane Općinskog načelnika na samoj 31. sjednici OV.

Općinski načelnik Hamdo Fatić u okviru aktuelne problematike na području općine Vareš upoznao je Vijeće da je završen repetitor na Kopalštima (fiksna i GSM mreža za Dubošticu).U toku su probni radovi i sve se odvija po planu.

Prije par dana potpisan je Ugovor o kupoprodaji firme AR Zvijezda Vareš, između kineske firme i AR Zvijezda Vareš. U toku je regulisanje uknjižbe i obaveza iz Ugovora. Najvjerovatnije će do kraja maja mjeseca 2012. godine, sve biti završeno i početi će se sa radom firma.

Jučer je stigao dopis od Nadzornog organa TZI-inžinjering d.o.o. Sarajevo, Envera Mehinovića, u kome smo obaviješteni da se zbog tehničkih razloga i vremenskih prilika. prekidaju radovi na regionalnom putu Šimin potok-Ivančevo. Radovi oko završetka asfaltiranja dijela puta, najvjerovatnije se ostavljaju za proljeće naredne godine.

(Vijećnička pitanja)

Elvir Rožajac

Podsjetio je na postavljeno pitanje na 31. sjednici OV, u vezi pranja platoa pijace, koje je nadležna općinska Služba prosljedila JKP d.o.o. Vareš. JKP d.o.o. Vareš nije odgovorilo na isto, te je vijećnik Elvir Rožajac izrazio nezadovoljstvo.

1. Zašto se u planiranju saniranja ulica u gradu, ulica Tirići konstantno izbjegava. Traži od Općinskog načelnika da obavi razgovor sa mještanima naselja Tirići i da iznađe mogućnost saniranja spomenutog puta?
2. Zašto JKP d.o.o. Vareš sa svojim radnikom nije očistilo korito javne česme Toplik. Traži da nadležni iz Općine Vareš izađu na lice mjesta i da se utvrdi da li je voda ispravna za piće, jer u zidu pored česme izvire voda (ne zna se je li to kanalizacija ili je puknuće cijevi)?

Tajiba Brkić

3. Nije zadovoljna sa odgovorom koji je dobila na postavljeno vijećničko pitanje na 31. sjednici OV, vezano sa sanaciju puta za greblje Glavica. Ponovo traži od Općinskog načelnika da se hitno poduzmu radnje u vezi saniranja spomenutog puta?

Milan Knežević

4. Podsjetio je na usvojeni Zaključak OV od 28. 07. 2011. godine, kojim je zadužena nadležna općinska Služba da u roku od mjesec dana izradi Program sanacije kulturno-historijskih spomenika u okviru odobrenih budžetskih sredstava i dostavi ga Vijeću na razmatranje. To nije realizovano, i postavio je pitanje: Zašto to nije realizovano? Traži usmeni odgovor.

Pomoćnik načelnika Rusmir Berberović dao je usmeni odgovor koji glasi: Prilikom razmatranja Informacije o stanju spomenika i spomen obilježja iz proteklog rata i II svjetskog rata, dat je Prijedlog sanacije spomenutih objekata. U Zaključku je praktično definisano da su prioritet za sanaciju, predviđeni spomenici u gradskoj zoni (Centralno spomen obilježje kod Osnovne škole „Vareš“, spomen bista Rešada Saletovića i spomenik poginulim radnicima Rudnika željezne rude u Vareš Majdanu). Ukupan iznos je oko 3.000 KM, a to još uvijek nije realizovano.

Zamjenik predsjedavajućeg OV Milan Knežević izjasnio se da nije zadovoljan odgovorom.

Jasmin Salketić

5. Na koji se način; po Statutu Općine Vareš, mogu izabrati organi u Mjesnoj zajednici (Savjeti MZ i predsjednik MZ), a da su legalni?

Pomoćnik načelnika Rusmir Berberović dao je usmeni odgovor u kome je naveo neke članove Statuta Općine Vareš (63. stav 1., član 64. i član 65.), a koji se odnose na izbor Savjeta mjesnih zajednica. Nadležna općinska Služba, vezano izradu prijedloga za Program rada OV za 2012. godinu, planira da se u prvom kvartalu 2012. godine (januarska sjednica) razmatra Nacrt i Prijedlog Odluke o izboru organa u mjesnim zajednicama. Kada se to usvoji, izbori će se održati u utvrđenom terminu, praktično istovremeno u svim mjesnim zajednicama općine Vareš. Naglasio je da lično smatra da su svih ovih prethodnih godina, u mandatu koji je predviđen Statutom Općine Vareš, ljudi koji su obavljali dužnost članova i predsjednika MZ, bili legalno izabrani od strane građana za tu mjesnu zajednicu.

Ismet Abdulahović

6. Šta je sa šlaufom za vodu, koji je dovezen prije godinu dana za naselje Hodžići. Isti je odvezen nakon par dana? Napominje da je šlauf plaćen u iznosu oko 7.000 KM.
7. Savjet MZ Dabravine nije zadovoljan uslugom JKP d.o.o Vareš, vezano za odvoz smeća u Mjesnoj zajednici. Razlozi su ti što se ne čisti smeće oko kontejnera i što se u donjem dijelu Dabravina (oko Osnovne škole) pretrpani kontejneri drugi dan nakon odvoza smeća.

Ivan Lučić

8. Podsjetio je na Inicijativu koju je pismeno podnio prije 4-5 mjeseci za izradu Odluke o dimnjačarskoj službi. Na prošloj sjednici OV postavio je pitanje, na koje je tražio usmeni odgovor, u vezi izrade spomenute odluke. Odgovor je dobio u pisanoj formi sa kojim je upoznao Vijeće i izjasnio se da nije zadovoljan datim odgovorom.

Jelena Zlobec

9. Građani Vareša smatraju da postavljene štedne sijalice na uličnoj rasvjeti nisu dovoljne. Traži da se o tome razmisli?
10. Podsjetila je na pitanje koje je postavila prije godinu dana, isto je postavila i na prošloj sjednici OV, a odnosi se na sanaciju stepeništa u Vareš Majdanu ul. Upoznala je prisutne da je tek jučer inspekcija izašla na lice mjesta, a u roku od mjesec dana moglo se sve završiti.

Džemo Kevrić

Zadovoljan je odgovorima koja je dobio na postavljena vijećnička pitanja na prošloj sjednici OV. Skrenuo pažnju na radove u vezi uklanjanja niskog rastinja i čišćenja kanala na lokalnom putu za MZ Striježevo. Sugerise da bi sa spomenutim radovima trebalo krenuti malo užurbanije, kako bi se isti završili prije padavina.

11. Na održanom sastanku Savjeta MZ Striježevo, na kome je razmatrano pitanje u vezi lokalnog puta, Savjet je zaključio, da bi bilo poželjno da se uradi sanacija dijela puta (na makadamskom dijelu), jer je došlo do izbočina. Otežan je prolaz putničkih vozila i u vezi s tim traži od Općinskog načelnika, ako je u mogućnosti, da se pristupi sanaciji spomenutog dijela puta.

Mato Pavić

12. Ponovo se vrši sjeća drva uz regionalni put na potezu od gornje Ponikve do Salaša. U ime građana, traži od Općinskog načelnika odgovor: Da li je to redovna sjeća drva ili je to sjeća slučajnih užitaka?
13. Prilikom radova, koje izvodi Elektrodistribucija, a odnose se na postavljanje novih priključaka, građani ne znaju i nisu upozoreni da će se radovi izvoditi na njihovim kućama. Traži da se riješi taj problem i da se građani blagovremeno obavijeste o terminu izvođenja radova, odnosno postavljanja novih električnih priključaka na njihove stambene objekte?

Predsjedavajući OV stavio je na raspravu zapisnik sa 31. sjednice OV .

Nije bilo primjedbi i predsjedavajući OV stavio je na izjašnjavanje zapisnik sa 31. sjednice OV i nakon izjašnjavanja vijećnika konstatovao da je **zapisnik sa 31. sjednice OV jednoglasno usvojen.**

Na raspravu je stavljen prijedlog dnevnog reda iz poziva za 32. sjednicu OV.

Nije bilo primjedbi ni prijedloga za izmjenu ili dopunu dnevnog reda 32. sjednice OV.

Predsjedavajući OV stavio je na izjašnjavanje prijedlog dnevnog reda iz poziva za 32. sjednicu OV i nakon izjašnjavanja konstatuje da je **jednoglasno usvojen s l i j e d e ć i**

Dnevni red

- 1. Prijedlog Odluke o izmjenama i dopunama Odluke o kriterijima za dodjelu stipendija redovnim studentima.**
- 2. Nacrt Odluke o izmjenama i dopunama Statuta Općine Vareš.**
- 3. Nacrt Odluke o izmjenama i dopunama Poslovnika o radu Općinskog vijeća Vareš-Prečišćeni tekst.**
- 4. Prijedlog Programa finansiranja komunalnih djelatnosti u 2012. godini.**
- 5. Nacrt Odluke vrijednosti boda komunalne naknade za 2012. godinu.**
- 6. Nacrt Odluke o subvencioniranu plaćanja komunalnih naknada.**
- 7. Nacrt Odluke o utvrđivanju kriterija i uslova za subvenciju troškova usluga JPU «Dječije obdanište» Vareš.**
- 8. Prijedlog Rješenja o izmjeni Rješenja o izboru članova Komisije za privredu, finansije i budžet.**
- 9. Izvještaj o reviziji finansijskog Izvještaja Općine Vareš za 2010. godinu.**
- 10. Izvještaj o provođenju Odluke o komunalnom redu Općine Vareš u 2010. godini.**
- 11. Tekuća pitanja**

Ad. 1.

*(Prijedlog Odluke o izmjenama i dopunama
Odluke o kriterijima za dodjelu stipendija redovnim studentima)*

Ispred predlagача Rusmir Berberović dao je dodatno objašnjenje za ovu tačku dnevnog reda.

Otvorena je rasprava u kojoj su svoje sugestije i mišljenja iznijeli vijećnici: Nihad Parić, Džemo Kevrić i pomoćnik načelnika Rusmir Berberović.

Zaključena je rasprava i predsjedavajući OV stavio je na izjašnjavanje Prijedlog Odluke o izmjenama i dopunama Odluke o kriterijima za dodjelu stipendija redovnim studentima.

Nakon izjašnjavanja vijećnika, predsjedavajući OV je konstatovao da je sa **20 glasova „ZA“ i 1 „SUZDRŽANIM“ glasom usvojena**

*Odluka o izmjenama i dopunama Odluke
o kriterijima za dodjelu stipendija redovnim studentima.*

Ad. 2.

*(Nacrt Odluke o izmjenama i
dopunama Statuta Općine Vareš.)*

Komisija za statutarna pitanja i propise, na sjednici održanoj 20.10. 2011. godine, sa 3 glasa «ZA», 1 glasom «PROTIV» i 1 «SUZDRŽANIM» glasom donijela je Zaključak:

- Da se Nacrt Odluke o izmjenama i dopunama Statuta Općine Vareš, kao u prilogu ovog Zapisnika uputi Općinskom vijeću na razmatranje i provođenje daljnje procedure.

Predlagač nije imao potrebe za dodatnim obrazloženjem.

Nije bilo rasprave po ovoj tački dnevnog reda.

Predsjedavajući OV predložio je slijedeći

Zaključak:

- U skladu sa članom 100., 110. i 111. Poslovnika o radu OV Vareš-Prečišćeni tekst:

- a) **Utvrđuje se Nacrt Odluke o izmjenama i dopunama Statuta Općine Vareš.**
- b) **O Nacrtu Odluke će se sprovesti javna rasprava u roku od 30 dana.**
- c) **Zadužuje se ovlašteni predlagač i nadležna Služba da sprovedu javnu raspravu u skladu sa aktima Općine, izrade prijedlog akta, sačine izvještaj o sprovedenoj javnoj raspravi i takve akte dostave Vijeću na razmatranje.**

Predsjedavajući OV stavio je na izjašnjavanje Nacrt Odluke o izmjenama i dopunama Statuta Općine Vareš i predloženi Zaključak.

Nakon izjašnjavanja vijećnika predsjedavajući OV je konstatovao da je sa **21 glasom „ZA“ usvojen Zaključak i**

*Nacrt Odluke o izmjenama i
dopunama Statuta Općine Vareš.*

Ad. 3.

*(Nacrt Odluke o izmjenama i dopunama
Poslovnika o radu Općinskog vijeća Vareš-Prečišćeni tekst.)*

Komisija za statutarna pitanja i propise, na sjednici održanoj 20.10.2011. godine, jednoglasno j donijela Zaključak:

- **Komisija za statutarna pitanja i propise nema primjedbi na Nacrt Odluke o izmjenama i dopunama Poslovnika o radu Općinskog vijeća Vareš- Prečišćeni tekst.**

Otvorena je rasprava u kojoj su svoje prijedloge, primjedbe i sugestije iznijeli vijećnici: Ivan Lučić, Dženana Bešić, Ismet Abdulahović i zamjenik predsjedavajućeg OV Milan Knežević

Vijećnik Ivan Lučić, ispred Kluba SDP predložio je da član 77. stav 1. glasi:

- «Odgovor na postavljeno vijećničko pitanje, daje se vijećniku usmeno na sjednici na kojoj je pitanje postavljeno, a ako to nije moguće, onda u pismenoj formi do naredne sjednice OV. Ukoliko vijećnik to zahtjeva, sa odgovorom će se upoznati OV. Ukoliko nije dat odgovor na vijećničko pitanje, izvjestilac je dužan o razlozima ne davanja odgovora, izvijestiti OV.»

O predloženom je dao i objašnjenje.

Zamjenik predsjedavajućeg OV Milan Knežević, ispred Kluba SDP, skrenuo je pažnju da mnogi materijali koji su ključni i koji su predmet rasprave na sjednicama OV prolaze mimo nadležnih Komisija OV. Dao je i kratko objašnjenje za to i iznio stav ispred Kluba SDP, da predlagač treba

uvrstiti u Prijedlog to «da se ne može uvrstiti u dnevni red sjednice OV, određeni materijal, koji nije prošao nadležna tijela OV».

Vijećnica Dženana Bešić iznijela je ličnu primjedbu na dio prijedloga za dopunu Poslovnika o radu Općinskog vijeća Vareš-Prečišćeni tekst, koji je ispred Kluba vijećnika SDP predložio vijećnik Ivan Lučić, a koja se odnosi na to da ukoliko vijećnik zahtjeva da se OV informiše o odgovoru na njegovo ranije postavljeno vijećničko pitanje, da se to dešava u toku sjednice OV. O tome je dala i kratko objašnjenje.

Vijećnik Ismet Abdulahović predlaže da se svi zaključci, prijedlozi odluka i odluke koje razmatra OV, emituju putem Radio Bobovca, dan-dva nakon održavanja sjednice OV, jer građani trebaju da budu upoznati što OV radi.

Zaključena je rasprava i predsjedavajući OV predložio je slijedeći

Zaključak:

- a) **Predloženi Nacrt Odluke o izmjenama i dopunama Poslovnika o radu OV Vareš – Prečišćeni tekst, sa akcentima iznesenim u raspravi, predstavlja dobru osnovu za izradu Prijedloga Odluke, te ga kao takvog sa iznesenim dopunama i primjedbama Vijeće prihvata.**
- b) **O Nacrtu Odluke će se sprovesti javna rasprava u roku od 30 dana.**
- c) **Zadužuje se ovlašteni predlagač i nadležna Služba da sprovedu javnu raspravu u skladu sa aktima Općine, izrade prijedlog akta, sačine izvještaj o sprovedenoj javnoj raspravi i takve akte dostave Vijeću na razmatranje.**

Predsjedavajući OV stavio je na izjašnjavanje Nacrt Odluke o izmjenama i dopunama Poslovnika o radu Općinskog vijeća Vareš-Prečišćeni tekst i predloženi Zaključak.

Nakon izjašnjavanja vijećnika predsjedavajući OV je konstatovao da je **sa 21 glasom «ZA» usvojen Zaključak i**

Nacrt Odluke o izmjenama i dopunama Poslovnika o radu Općinskog vijeća Vareš-Prečišćeni tekst.

Ad. 4.

(Program finansiranja komunalnih djelatnosti za 2012. godinu.)

Komisija za privredu, finansije i budžet, na sjednici održanoj 24.10. 2011. godine, jednoglasno je donijela Zaključak:

- **Komisija za privredu, finansije i budžet, konstatovala je da je ovlašteni predlagač prihvatio sugestije iznesene u raspravi, te nema primjedbi na Program finansiranja komunalnih djelatnosti za 2012. godinu.**

Ispred predlagača Ermin Musa dao je kratko objašnjenje za ovu tačku dnevnog reda u kome je obrazložio izmjene koje se odnose na sugestije Komisije za privredu, finansije i budžet, a koje je ovlašteni predlagač prihvatio i tehničke ispravke u Programu.

Otvorena je rasprava u kojoj su iznijeli svoje primjedbe, prijedloge i sugestije vijećnici: Elvir Rožajac, Jasmin Salketić, Kenan Kamenjaš, Džemo Kevrić, Nihad Parić, Tajiba Brkić, Mato Pavić, Ivan Lučić, Ismet Abdulahović, Nikola Šimić, Dženana Bešić, predsjedavajući OV, Općinski načelnik i pomoćnik načelnika Ermin Musa.

Predsjedavajući OV pozvao je predstavnika predlagača da odgovori na postavljena pitanja i da se izjasni, koje iznesene prijedloge u raspravi prihvata.

Ispred predlagača Ermin Musa odgovorio je na neka postavljena pitanja vijećnika u raspravi i izjasnio se da ovlašteni predlagač prihvata prijedloge da se u Programu finansiranja komunalnih djelatnosti za 2012. godinu, na str. br.3 stavka gdje je navedeno čišćenje korita rijeke Stavnje od Općine do Doma zdravlja Vareš, mijenja i glasi: «Čišćenje korita rijeke Stavnje od Ljepovića do

Prnjavora, u iznosu od 3.500,00 KM. Na str. br. 7. stavka «interventna sredstva» u iznosu od 2.000,00 KM, brišu se i u konačnoj rekapitulaciji, stavka «interventna sredstva» u iznosu od 2.000,00 KM brišu se. Navedena sredstva od 2.000,00KM prebacuju se na stavku gdje je navedeno čišćenje korita rijeke Stavnje od Ljepovića do Prnjavora.

Predsjedavajući OV pozvao je vijećnike koji su imali prijedloge, a koje ovlaštenu predlagач nije prihvatio, da se izjasne da li odustaju od prijedloga ili zahtijevaju da se o njihovim prijedlozima izjasni Vijeće.

Nakon kraće rasprave vijećnici Jasmin Salketić i Mato Pavić izjasnili su se da odustaju od svojih prijedloga.

Zaključena je rasprava i predsjedavajući OV konstatovao je da su prijedlozi koje je prihvatio ovlaštenu predlagач postali sastavni dio Programa finansiranja komunalnih djelatnosti za 2012. godinu.

Predsjedavajući OV stavio je na izjašnjavanje Program finansiranja komunalnih djelatnosti za 2012. godinu i nakon izjašnjavanja vijećnika konstatovao je da je sa **17 glasova «ZA»**, **2 glasa «PROTIV»** i **2 «SUZDRŽANA» glasa usvojen**

Program finansiranja komunalnih djelatnosti za 2012. godinu.

Ad. 5.

(Nacrt Odluke o vrijednosti boda komunalne naknade za 2012. godinu.)

Komisija za statutarna pitanja i propise na sjednici održanoj 20.10. 2011. godine jednoglasno je donijela Zaključak:

- **Komisija za statutarna pitanja i propise nema primjedbi na Nacrt Odluke o vrijednosti boda komunalne naknade za 2012. godinu.**
- **Prije upućivanja Nacrta na Javnu raspravu potrebno je da se uz Nacrt kao prilog da i ogledni primjerak iznosa naknade po postojećoj odluci i po odluci u Nacrtu.**

Vijećnik Ivan Lučić kao ovlaštenu predlagач dao je objašnjenje za ovu tačku dnevnog reda.

Otvorena je rasprava u kojoj su svoje prijedloge, primjedbe i sugestije iznijeli vijećnici: Elvir Rožajac, Jelena Zlobec, Dženana Bešić, Nihad Parić i Općinski načelnik koji je predložio amandman na član 1. Nacrta Odluke i to da:

-vrijednost boda komunalne naknade za stambeni prostor iznosi 0,004 KM/m² , za garažni i poslovni prostor da ostane kao i do sada u iznosu od 0,005 KM/m² , da Vijeće usvoji Nacrt Odluke i da nadležna Služba nastavi daljnju proceduru u izradi Prijedloga Odluke.

Predsjedavajući OV dao je pauzu u trajanju od 15 minuta na zahtjev Kluba vijećnika SDP.

Vijećnik Ivan Lučić kao ovlaštenu predlagач izjasnio se da Klub vijećnika SDP prihvata prijedlog iznesen od strane Općinskog načelnika da se u daljnjoj proceduri, do usvajanja vrijednosti boda komunalne naknade za 2012. godinu, ide sa iznosom od 0,004 KM/m² za stambene prostore, a za ostale prostore (garažni i poslovni prostor) da vrijednost boda ostaje 0,005 KM/m² kao i do sada. Daljnju proceduru u organizovanju javne rasprave preuzima nadležna Služba.

Predsjedavajući OV konstatovao je da je ovlaštenu predlagач prihvatio uloženi amandman od strane Općinskog načelnika, a to je dodavanje novog člana u Nacrtu Odluke ili dodavanje novog stava u članu 1. gdje se razdvaja iznos vrijednosti boda za komunalnu naknadu za stambene i garažne prostore i poslovne prostore.

Pomoćnik načelnika Ermin Musa dao je objašnjenje da se garažni prostori ne mogu posebno izdvajati, jer je u Zakonu navedeno da se za garažne prostore naknada obračunava kao i za stambene

prostore i da stavka može biti 0,004 KM/m² za stambeni prostor i 0,005 KM/m² za proizvodne i ostale prostore.

Zaključena je rasprava i predsjedavajući OV predložio je slijedeći

Zaključak:

- a) **Predloženi Nacrt Odluke o vrijednosti boda komunalne naknade za 2012. godinu sa primjedbama iznesenim na današnjoj sjednici, predstavlja dobru osnovu za izradu Prijedloga Odluke. Vijeće Nacrt Odluke prihvaća.**
- b) **O Nacrtu Odluke će se sprovesti javna rasprava u roku od 30 dana.**
- c) **Zadužuje se Općinski načelnik i nadležna Služba da sprovedu javnu raspravu u skladu sa aktima Općine, izrade Prijedlog akta i sačine izvještaj o sprovedenoj javnoj raspravi i takve akte dostave Vijeću na razmatranje.**
- d) **Uz Nacrt uraditi ogledni primjerak iznosa naknade po postojećoj Odluci i po Odluci u Nacrtu.**

Predsjedavajući OV stavio je na izjašnjavanje Nacrt Odluke o vrijednosti boda komunalne naknade za 2012. godinu i predloženi Zaključak.

Nakon izjašnjavanja vijećnika predsjedavajući OV je konstatovao da je **sa 12 glasova «ZA» i 8 «SUZDRŽANIH» glasova usvojen Zaključak i**

***Nacrt Odluke o vrijednosti boda
komunalne naknade za 2012. godinu.***

Ad. 6.

*(Nacrt Odluke o subvencioniranju
plaćanja komunalnih usluga.)*

Komisija za statutarna pitanja i propise na sjednici održanoj 20.10. 2011. godine jednoglasno je donijela Zaključak:

- **Komisija za statutarna pitanja i propise nema primjedbi na Nacrt Odluke o subvencioniranju plaćanja komunalnih usluga.**

Pomoćnik načelnika Rusmir Berberović ispred predlagač izjasnio se da Komisija za statutarna pitanja i propise nije imala primjedbi na Nacrt Odluke, osim sugestije vijećnika Ivana Lučića koji je smatrao da član 3. nije dovoljno preciziran. Predlagač je sugestiju prihvatio da se član 3. mijenja i glasi:

- «Za vodovode kojim upravlja JKP d.o.o. Vareš, korisnici stalne novčane pomoći ostvaruju subvenciju za domaćinstva do 4 člana – po 4 m³ po svakom članu, a za svakog daljnjeg člana po još 2 m³.»

Nije bilo rasprave po ovoj tački dnevnog reda i predsjedavajući OV predložio je slijedeći

Zaključak:

- a) **Predloženi Nacrt Odluke o subvencioniranju plaćanja komunalnih usluga predstavlja dobar osnov za izradu Prijedloga Odluke. Vijeće Nacrt Odluke prihvaća.**
- b) **O nacrtu Odluke će se sprovesti javna rasprava u trajanju od 30 dana.**
- c) **Zadužuje se Općinski načelnik i nadležna Služba da sprovedu javnu raspravu u skladu sa aktima Općine, izrade Prijedlog akta i sačine izvještaj o sprovedenoj javnoj raspravi i takve akte dostave Vijeću na razmatranje.**

Predsjedavajući OV stavio je na izjašnjanje Nacrt Odluke o subvencioniranju plaćanja komunalnih usluga i predloženi Zaključak.

Nakon izjašnjanja vijećnika predsjedavajući OV je konstatovao da je **sa 20 glasova «ZA» usvojen Zaključak i**

***Nacrt Odluke o subvencioniranju
plaćanja komunalnih usluga.***

Ad. 7.

*(Nacrt Odluke o utvrđivanju kriterija i uvjeta
za subvenciju troškova usluga JPU «Dječiji vrtić» Vareš.)*

Komisija za statutarna pitanja i propise na sjednici održanoj 20.10.2011. godine, jednoglasno je donijela Zaključak:

- **Komisija za statutarna pitanja i propise nema primjedbi na Nacrt Odluke o utvrđivanju kriterija i uslova za subvenciju troškova usluga JPU «Dječiji vrtić» Vareš.**

Predlagač nije imao potrebe za dodatnim obrazloženjem.

Nije bilo rasprave po ovoj tački dnevnog reda.

Predsjedavajući OV predložio je slijedeći

Zaključak:

- a) **Predloženi Nacrt Odluke o utvrđivanju kriterija i uslova za subvenciju troškova usluga JPU „Dječije obdanište“ Vareš predstavlja dobar osnov za izradu Prijedloga Odluke. Vijeće Nacrt Odluke prihvaća.**
- b) **O nacrtu Odluke će se sprovesti javna rasprava u trajanju od 30 dana.**
- c) **Zadužuje se Općinski načelnik i nadležna Služba da sprovedu javnu raspravu u skladu sa aktima Općine, izrade Prijedlog akta i sačine izvještaj o sprovedenoj javnoj raspravi i takve akte dostave Vijeću na razmatranje.**

Predsjedavajući OV stavio je na izjašnjanje Nacrt Odluke o utvrđivanju kriterija i uslova za subvenciju troškova usluga JPU «Dječiji vrtić» Vareš i predloženi Zaključak.

Nakon izjašnjanja vijećnika predsjedavajući OV je konstatovao da je **sa 20 glasova «ZA» usvojen Zaključak i**

***Nacrt Odluke o utvrđivanju kriterija i uslova za
subvenciju troškova usluga JPU «Dječiji vrtić» Vareš.***

Ad. 8.

*(Prijedlog Rješenja o izmjeni Rješenja o izboru
članova Komisije za privredu, finansije i budžet.)*

Komisija za izbor i imenovanja na sjednici održanoj 27.10. 2011. godine, nije imala primjedbi na Prijedlog Rješenja i jednoglasno predlaže da u skladu sa članom 36., 44., 145. i 146. Poslovnika o radu Općinskog vijeća Vareš-Prečišćeni tekst, OV donese Rješenje o izboru članova Komisije za izbor i imenovanja.

Otvorena je rasprava u kojoj je Jasmin Salketić kao predsjednik Komisije za izbor i imenovanja upoznao Vijeće sa stavom Komisije i dao kratko objašnjenje. Skrenuo je pažnju da je Komisija u sastavu od šest članova, i da se treba sprovesti procedura za izbor novog člana Komisije, s obzirom da Jelena Kuhač Odenwald ne obavlja više funkciju vijećnika, a član je Komisije.

Vijećnik Elvir Rožajac iznio je svoj stav u vezi izbora novog člana Komisije za izbor i imenovanja, te mu je predsjedavajući OV skrenuo pažnju da o daljnjoj proceduru za izbor novog člana Komisije, kontaktira sekretara OV.

Zaključena je rasprava i predsjedavajući OV stavio je na izjašnjavanje Prijedlog Rješenja o izmjeni Rješenja o izboru članova Komisije za privredu, finansije i budžet.

Nakon izjašnjavanja vijećnika predsjedavajući OV je konstatovao da je sa **21 glas „ZA“ usvojeno**

***Rješenje o izmjeni rješenja o izboru
članova Komisije za privredu, finansije i budžet.***

Ad. 9.

*(Izveštaj o reviziji finansijskog izvještaja
Općine Vareš za 2010. godinu.)*

Komisija za privredu, finansije i budžet, na sjednici održanoj 24.10. 2011. godine, jednoglasno je donijela **Zaključke:**

1. **Prima se k znanju Izveštaj o reviziji finansijskih izvještaja Općine Vareš za 2010. godinu**
2. **Načelno se podržava Plan aktivnosti Općinskog načelnika za realizaciju preporuka iz Izveštaja o reviziji finansijskih izvještaja Općine Vareš, uz preporuku:**
 - a) **Da se sve utvrđene obaveze iz Plana aktivnosti, a koje se odnose na organ uprave, završe zaključno do 31.12. 2011. godine,**
 - b) **Da se sve obaveze koje se odnose na Općinsko vijeće završe zaključno sa 31.01.2012. godine.**
3. **U skladu sa Zakonom o proračunima/budžetima u Federaciji BiH, te razmatranog Izveštaja o reviziji finansijskih Izveštaja, učiniti sve da budući dokument *Budžet/Proračun Općine Vareš 2012. godinu*, pruži pouzdanu i egzaktnu osnovu za sastavljanje istinitih i fer finansijskih izvještaja za 2012. godinu, te da bude urađen u skladu sa procedurama kod donošenja budžeta/proračuna.**

Pomoćnik načelnika Zihinja Krnjić dao je uvodnu riječ i objašnjenje za ovu tačku dnevnog reda. Izvijestio je Vijeće da se po dobivanju Izveštaja pristupilo sa aktivnostima na otklanjanju uočenih nedostataka u poslovanju Općine Vareš, po preporukama Ureda za reviziju BiH. O poduzetim aktivnostima upoznao je Vijeće.

Otvorena je rasprava u kojoj su svoje primjedbe, prijedloge i sugestije iznijeli vijećnici: Elvir Rožajac, Ivan Lučić, Ismet Abdulahović, Dženana Bešić, Milan Knežević, predsjedavajući OV, pomoćnik načelnika Zihinja Krnjić koji je odgovorio na neka postavljena pitanja vijećnika u raspravi.

Vijećnik Ivan Lučić ispred Kluba vijećnika SDP predložio je slijedeći

Zaključak:

1. Obavezuje se nadležna Služba da sačini Izveštaj sa podacima:
 - a) Sa kojim licima je u toku 2011. godine sklopljen Ugovor o djelu i koji je iznos isplaćen?
 - b) Kojim zaposlenicima Općine Vareš je isplaćivan prekovremeni rad i za koje poslove?
 - c) Koji su zaposlenici u toku 2011. godine dobili stimulaciju i u kojem iznosu?

Sve podatke dati za period od 01.01. – 30.09 2011. godine i dostaviti za sjednicu OV koja će se održati u decembru mjesecu tekuće godine.

Zaključak koji je predložio vijećnik Ivan Lučić ispred Kluba vijećnika SDP, a koji se odnosi na to da se Vijeću do 01.04.2012. godine dostavi informacija o uklanjanju nedostataka utvrđenih revizorskim izvještajem, nakon kraće diskusije, je povukao.

Zaključena je rasprava i predsjedavajući OV predložio je slijedeći

Zaključak:

- Predlaže se Općinskom vijeću da Izvještaj o reviziji finansijskog Izvještaja Općine Vareš za 2010. godinu primi k znanju uz Zaključke koje je predložila Komisija za privredu, finansije i budžet., a to su:

- a. **Prima se k znanju Izvještaj o reviziji finansijskih izvještaja Općine Vareš za 2010. godinu**
- b. **Načelno se podržava Plan aktivnosti Općinskog načelnika za realizaciju preporuka iz Izvještaja o reviziji finansijskih izvještaja Općine Vareš, uz preporuku:**
 - **Da se sve utvrđene obaveze iz Plana aktivnosti, a koje se odnose na organ uprave, završe zaključno do 31.12. 2011. godine,**
 - **Da se sve obaveze koje se odnose na Općinsko vijeće završe zaključno sa 31.01.2012. godine.**
- c. **U skladu sa Zakonom o proračunima/budžetima u Federaciji BiH, te razmatranog Izvještaja o reviziji finansijskih Izvještaja, učiniti sve da budući dokument *Budžet/Proračun Općine Vareš za 2012. godinu*, pruži pouzdanu i egzaktnu osnovu za sastavljanje istinitih i fer finansijskih izvještaja za 2012. godinu, te da bude urađen u skladu sa procedurama kod donošenja budžeta/proračuna.**

Predsjedavajući OV pozvao je vijećnike da se izjasne ako imaju dopunu ili primjedbu na predloženi Zaključak.

Nije bilo primjedbi ni prijedloga za dopunu ili izmjenu predloženog Zaključka.

Predsjedavajući OV stavio je na izjašnjanje predloženi Zaključak, te je nakon izjašnjanja vijećnika konstatovao da je sa **21 glas «ZA» usvojen predloženi Zaključak.**

Predsjedavajući OV podsjetio je na predložene Zaključke Kluba Vijećnika SDP, koji su indirektno vezani za ovu temu, ne odnose se vremenski na period koji tretira revizorski Izvještaj, ali se odnose na problematiku koju Izvještaj tretira.

Predsjedavajući OV stavio je na izjašnjanje predloženi Zaključak Kluba vijećnika SDP, a to je:

Zaključak:

- Obavezuje se nadležna Služba da sačini Izvještaj sa podacima:

- a) **Sa kojim licima je u toku 2011. godine sklopljen Ugovor o djelu i koji je iznos isplaćen?**
- b) **Kojim zaposlenicima Općine Vareš je isplaćivan prekovremeni rad i za koje poslove?**
- c) **Koji su zaposlenici u toku 2011. godine dobili stimulaciju i u kojem iznosu?**

Sve podatke dati za period od 01.01. – 30.09 2011. godine i dostaviti za sjednicu OV koja će se održati u decembru mjesecu tekuće godine.

Nakon izjašnjanja vijećnika, predsjedavajući OV je konstatovao da je sa **21 glas «ZA» usvojen predloženi Zaključak.**

Ad.10.

(Izvjestaj o provođenju Odluke o komunalnom redu Općine Vareš u 2010.godini.)

Predlagač nije imao dodatno obrazloženje za ovu tačku dnevnog reda,

Otvorena je rasprava u kojoj su svoje primjedbe, prijedloge i sugestije iznijeli vijećnici: Elvir Rožajac i Nikola Šimić.

Zaključena je rasprava i predsjedavajući OV predložio je da Vijeće usvoji Izvjestaj o provođenju Odluke o komunalnom redu Općine Vareš u 2010. godinu uz slijedeći

Zaključak:

- **Obavezuju se nadležne Službe da sugestije iznesene u raspravi po tački, Izvjestaj o provođenju Odluke o komunalnom redu Općine Vareš za 2010. godinu, uzmu u obzir i pokušaju iznaći rješenje na njihovom provođenju.**

Nakon izjašnjavanja vijećnika predsjedavajući OV je konstatovao da je sa **21 glas „ZA“ usvojen predloženi Zaključak i**

Izvjestaj o provođenju Odluke o komunalnom redu Općine Vareš za 2010.godinu.

Ad. 11.

(Tekuća pitanja.)

1. Predsjedavajući OV informisao je Vijeće da je Skupština ZDK uputila Vijeću dopis za dostavu prijedloga za Program rada Skupštine za 2012.godinu. Rok za podnošenje prijedloga je 11.11. 2011.godine. Prijedlozi i mišljenja treba da sadrže: naziv akta, postupak donošenja, pravni osnov i razloge za donošenje, rok za donošenje, odnosno razmatranje. Predsjedavajući OV pozvao je vijećnike koji imaju prijedloge za Program rada Skupštine ZDK za 2012. godinu, da iste dostave sekretaru OV, koji će biti proslijeđeni Skupštini ZDK.
2. Predsjedavajući OV upoznao je Vijeće i javnost da je Općini Vareš dostavljen odgovor, odnosno Rješenje od Vrhovnog suda BiH, vezano za Zahtjev za vanredno preispitivanje sudske odluke, kojim se zahtjev Općine Vareš odbacuje, jer nije postala pravomoćna presuda Kantonalnog suda. Predsjedavajući OV je konstatovao da su svi vijećnici dobili u materijalu gore navedeni akt i ako postoji potreba, o njemu se može i raspravljati. Nije bilo rasprave.
3. Predsjedavajući OV upoznao je prisutne da je Općinskom vijeću Vareš upućen zahtjev od strane Marinke Dužnović ispred mjesne podružnice Osoje u kome se traži sanacija puta za naseljeno mjesto Osoje.

Općinski načelnik izvijestio je Vijeće da je dao nalog za radove JKP d.o.o. Vareš, koji se odnosi na sanaciju puta za Osoje, Kotu, put između Stupnog Dola i dijela puta za Diknjiće. Očekuje da će se radovi završiti ovih dana.

Vijećnik Ivan Lučić uputio je sugestiju Općinskom načelniku da stupi u kontakt sa prijevoznikom koja vrši prevoz učenika sa ovog područja, iz razloga što se dešava da u zimskom periodu (ukoliko firma koristi kombi za prevoz), ne može se izvršiti okretanje na mjestu gdje dovozi djecu. Problem je potrebno riješiti.

4. Vijećnik Ismet Abdulahović izvijestio je Vijeće o događajima u MZ Dabravine, koji se dešavaju zadnjih nekoliko dana. Naselje Hodžići i Ajanovići zadnjih dana nisu imali vode. Razlog je taj što je probijen vodovod i voda je isticala u rijeku Stavnju, tako da je voda dolazila samo do prvih kuća, a ostala domaćinstva nisu imala vodu. Došlo je i do incidenta, o čemu je obaviještena i PS Vareš. U vezi s tim traži da Općinsko vijeće podnese tužbu protiv N.N. lica koje je izvršilo oštećenje vodovoda i da se ozbiljnije pristupi rješavanju ovog problema. Također je izvijestio Vijeće da Savjet MZ Dabravine traži da se svi projekti, koji su odneseni iz mjesne zajednice vrata, a vezani su za vodu (objekte, rezervoare i vodovode), jer u protivnom, MZ Dabravine će podnijeti tužbu.

Predsjedavajući OV izjasnio se da po pitanju podnošenja bilo kakvih krivičnih prijava, Općinsko vijeće nema tu nadležnost. Mjesna zajednica ima svoje nadležnosti, ima mogućnost da podnese prijave protiv onih za koje smatra da ih treba podnijeti. To može uraditi i Općinski načelnik. U vezi projekata, odgovorio je da vijećnik Ismet Abdulahović u svom izlaganju nije precizirao tko je odnio projekte i iz kojih razloga, tako da se ne zna od koga tražiti da se ti projekti vrata.

5. Vijećnica Tajiba Brkić iznijela je problem u vezi puta i prilaza za mjesno greblje Glavica. Traži da se otvori rasprava po ovom pitanju.

Otvorena je rasprava u kojoj su učestvovali: predsjedavajući OV, vijećnica Dženana Bešić i Općinski načelnik koji je izvijestio Vijeće, da je obećao da će se napraviti prilazni put za greblje Stogić, to će biti urađeno prilikom asfaltiranja puta u Tunelu. Zamolio je Islamsku zajednicu, MZ Vareš i građane Vareša da se strpe do proljeća iduće godine. Napravljen je predmjer i tehničko rješenje (prilaz iz naselja Stojkovići). Potrebna sredstva sa izvršenje radova su u iznosu od 11.000-12.000 KM. Ove godine se to nije moglo uraditi zbog nedostatka sredstava. Nada se da će se na proljeće iduće godine steći uslovi da se uradi dio puta prema greblju Glavica.

Zaključena je rasprava i predsjedavajući OV predložio je slijedeći

Zaključak:

-Obavezuje se Općinski načelnik da u Programima ulaganja u javne prostore i javne ulice, u narednoj godini, kao prioritet bude planiran i projekat vezan za sanaciju puta prema greblju Glavica u Varešu.

Nakon izjašnjavanja vijećnika predsjedavajući OV konstatovao je da je sa **19 glasova «ZA» usvojen predloženi Zaključak.**

6. Vijećnik Ivan Lučić podsjetio je na Zaključak koji je vezan za proglašenje određenih nekategorisanih puteva u lokalne ceste. Izvijestio je prisutne da je Vlada Federacije na sjednici održanoj 13.09.2011. godine donijela Uredbu o mjerilima i kriterijima za kategorizaciju javnih cesta, po kojoj smatra da cesta Šimin potok Križevići i cesta Odvojak na Studencu preko Ravni i Crne rijeke na Nišičku visoravan, može se svrstati u nove regionalne ceste. U vezi s tim predložio je slijedeći

Zaključak:

- Obavezuje se nadležna služba da pripremi akt, odnosno da stupi u kontakt sa nadležnim službama iz ZDK u vezi proglašenja cesta. Da se vidi rok do kada se to treba uraditi.**

U raspravi su učestvovali vijećnik Elvir Rožajac i pomoćnik načelnika Ermin Musa koji je izvijestio prisutne da je Služba prije mjesec dana uputila dopis prema Direkciji za ceste ZE-DO kantona u vezi naših prijedloga i da je to u toku, a prijedlog vezan za regionalne puteve, bit će poslan iduće sedmice.

Predsjedavajući OV, na osnovu sprovedene rasprave, predložio je slijedeći

Zaključak:

- **Prihvata se predloženi zaključak vijećnika Ivana Lučića i određuje se 30.11.2011. godine kao krajnji rok da se pošalje prijedlog za nove regionalne puteve na području općine Vareš u skladu sa najnovijom Uredbom Vlade Federacije.**

Nakon izjašnjavanja vijećnika predsjedavajući OV konstatovao je da je sa **19 glasova «ZA» usvojen predloženi Zaključak.**

7. Vijećnik Mato Pavić iznio je svoje mišljenje i nezadovoljstvo u vezi radova na regionalnom putu. Podsjetio je na garantne rokove i na to da na dijelu ceste koja je urađena prije godinu, treba izvršiti popravku. Cesta je označena na pojedinim dijelovima i boji se da će izvođači radova izvršiti samo sanaciju tih pojedinih dijelova, odnosno rupa. Smatra da se o ovome treba razmisliti i učiniti sve da se da se zaštiti nešto što se pravi na području naše općine.

Otvorena je rasprava u kojoj su svoje prijedloge, primjedbe i sugestije iznijeli vijećnici: Ivan Lučić, Evir Rožajac, Dženana Bešić, predsjedavajući OV i Općinski načelnik .

Predsjedavajući OV, na osnovu sprovedene rasprave, predložio je slijedeći

Zaključak:

- **Obavezuje se Općinski načelnik da kontaktira nadležno Ministarstvo i Nadzorni organ na putu Vijaka – Podkamensko i utvrdi kakve su namjere izvođača i ovih nadležnih institucija, kad su u pitanju garantni rokovi i određene nepravilnosti koje su se pokazale na tom putu i da se o tome pismeno obavijeste predsjednici Klubova Vijećnika OV u roku od 10 dana.**

Nakon izjašnjavanja vijećnika predsjedavajući OV konstatovao je da je sa **20 glasova «ZA» usvojen predloženi Zaključak.**

Predsjedavajući OV, u ime Općinskog vijeća Vareš i u svoje lično ime, čestitao je svim vjernicima islamske vjeroispovijedi nadolazeći blagdan Bajram.

Sjednica je završena u 14,00 sati.

SEKRETAR

Leon Pavlović

PREDSJEDAVALAČI

Josip Malbašić

ZAPISNIČAR

Azra Ibrahimović